



UNIVERSITÄTS-
BIBLIOTHEK
PADERBORN


Universitätsbibliothek Paderborn

**Liber Theologiæ Moralis, Viginti Qvatvor Societatis Iesv
Doctoribvs Reseratvs**

**Escobar y Mendoza, Antonio de
Lvgdvni, 1659**

Cap. I. Quid iejunium Ecclesiasticum.

urn:nbn:de:hbz:466:1-41066



EXAMEN XIII.

De Legibus in particulari, circa præceptum quartum Ecclesiæ de Ieiunio.

CAPUT PRIMUM.

Quid Ieiunium Ecclesiasticum?

1. *Vid Ieiunium?* Abstinentia quædam voluntaria à cibo iuxta præscriptum Ecclesiæ, vel receptam consuetudinem. Id equidem maiorem (auctore *Filiuio*) quandam victus abstinentiam significat, quam communis temperantiae regula postulat.

2. *Quotuplex Ieiunium?* Triplex, Naturale, Morale, & Ecclesiasticum. Primo à quolibet comestibili & potabili perfectè abstinemus, quod ieiunium ad Communionem requiri; Secundo à vitiis: Tertium est fidelibus ab Ecclesia indicum; actus quidem Temperantiae, & Obedientiae: Religionis autem, Charitatis, & Iustitiae non nisi imperatus. Eius commoda plura.

3. *Quanam ad ieiunium Ecclesiasticum requista?* Tria unica comestio à certo ciborum genere abstinentia, & hora certa refectionis. Ex his tribus morale quiddam ieiunium est multis ex partibus integratum.

4. *Quid de unica comestione?* De essentia quidem ieiunij est. In secunda tantum peccatur mortiferè; quia ea tantum ad carnis mortificationem pertinet, in aliis probabile est venialiter peccari. Vespertina refectioncula ex consuetudine licita est, etiam si ad somnum necessaria non sit, nec exigua excusat enim consuetudo.

5. *Licet ne sumere refectionculam manè, aut meridie, dilata in vesperum comestione?* Meridie licet, manè minimè: at si ad finitima etiam manè licebit. Sine causa venialis culpa est: dispensatione etiam aliqui gaudent; quod si causa certa sit, non est dispensatio necessaria.

6. *De refectioncula qualitate, & quantitate quid sentis?* Absumi possunt arborum fructus, herbæ, leuiores cibi, panis, parum biscoiti, non autem cibi, qui inter fercula adnumerantur ordinati ad sustentandam naturam, quales essent.

N 2 pisces.

196 *Moralis Theologie Tract. I. Leges,*

pisces. Scio equidem Azorium & alios pisciculos permettere, quod non improbarim si pauci sint, & eius qualitatis, n^e quo ad substantiam sustentationis inter fructus arborum adnumerari videantur, quales sunt qui apud nostrates vogantur *Bermejuelas, & Camarones.* De iusculis autem ex leguminibus & amygdalato non consentiunt Doctores. Permitto, si quantitas permittam frugum quantitatem non sequeret. Porrò refectione ex frugibus, pane & herbis aut ad summum octo vncias non debet excedere. In Nativitatis Vigilia maiorem ex assignata ciborum qualitate quantitatem dedit consuetudo.

7. *Quanam ciborum absumptio ieiunium non frangit?* Pragustatio ciborum, sumptio alicuius per modum medicina aut ad debilitatem arcendam; ministrorum in mensa gustatio. Potus denique minimè ieiunium violat quicumque ill^e sit, si potus essentiam non excedat, & quod sumitur, u noceat.

8. *Quid autem de ciborum quantitate seruanda in ieiunio?* A carnibus necessariò abstinentur, ab ouis etiam & lacticiniis in Quadragesima, & ab iis quæ loci consuetudo nos permittit. Scio alicubi consuetudinem induisse lacticinia alibi etiam extra Quadragesimam abstinentiam ab ouis.

9. *Dispensatus ne ad carnes, est simul ad lactacinia?* Ita pl^ene: mō & ad duas comediones; quia essentialis ieiunij conditio abstinentia à carnibus est, quidquid *Filiucius* de dispensatione respectiva affirmet.

10. *Potest ne dispensatus ad carnes, etiam pisces comedere?* Potest, & in eadem mensa, modò non fiat immoderatè. Quid de pueris? Ante septennium comedere carnes possunt, post illud utriusque cibis tenetur. *Oua* obsunt ieiunio. Non vnde dispensatus ad oua, non hoc ipso à ieiunio liberatur, quia oua licet carnis substantiam imitantur, caro tamen non sunt. In Iubil^e cum ouis ieunans indulgentiam lucratur, dispensatus ad oua, etiam est ad lactacinia, non ad sagimen lardo, cuius usum scio alicubi paupertatem, aut ciborum penuriam induisse. *Excusatus* à ieiunio tantum potest ne carni aut oua comedere, vel lactacinia? Minimè.

11. *Quid denique circa horam comedione?* Seruanda hora nostra consuetudinem loci. Ea quidem de essentia ieiunij non est, sed requisita ad perfectum, & integrum ieiunium. Mē dies est competens hora, qui moraliter computandus iuxta horologia: quod si horologium non sit, sufficit tempus ex consuetudine designatum.

Examen XIII. De Ieiunio circa Præc. IV. Ec. 197

12. An mortale sit, horam notabiliter præuenire? Non, et si cauenda sub veniali huiusmodi præuentio: dimidia hora non viderur esse notabilis.

13. Quenam causa in præueniendo excusat? Tres equidem, coniunctudo, dispensatio, & iusta causa.

14. Propter ~~fractio~~ cibi ad vesperam licita ne? Imo commen-
dabilior, ob maiorem corporis mortificationem.

C A P V T II.

De Ieiuniū obligatione.

15. Obligat ne Ieiunium iure diuino, an humano? Humano,
ad mortale quidem, nisi paruitas materiae veniale
reddat transgressionem.

16. Delinquitur ne toties mortaliter, quoties in die comeditur? Minime, nam in secunda comeditione tantum lethaliter delinquitur. At comedens carnes pluries, toties peccat, quoties eas in graui quantitate absunt; quia hoc præceptum negatiuum, illud posituum.

17. Si duplex titulus obligat ad Ieiunium, inducit ne duplex peccatum? Si eiusdem rationis sit, non: si autem diversæ rationis, inducit, ut si ex obedientia & Religione quis oblitetur.

18. Frangens una die, teneat altera Ieiunare? Non, nisi ex voto vel pœnitentia obligatio insurgeret, in aliis Ieiuniis onus dici reputatur.

19. Quoties peccat, qui apud se statuit per totam Quadragesimam non Ieiunare, aut in ea carnis vesci? Unicum peccatum committit, sed grauius admodum, in executione autem toties delinquit, quoties diem Ieiuniū violat, aut quoties in die carne vescitur.

20. Peccat ne qui causa est, ut alius non Ieiunet? Quis dubitet? Vnde cibi ministrandi non sunt Ieiunium fractio, nec quibus familia tua Ieiunium soluat; Caupo vetitos cibos apponere non debet: nec qui Ieiunium non seruat invitare Ieiunantem, nisi urbanitatis gratia fieret.

21. Quinam ad Ieiunium obligantur? Omnes Christiani, qui sanæ mentis sint. Peregrini tenentur ad Ieiunia loci, in quo habitant, etiam in quo versantur per aliquot dies. Absens non tenetur ad Ieiunia suæ ciuitatis. Discedens à loco in quo non Ieiunatur, potest etiam carnes comedere, scandalo excluso.